

homes, quy rompirent les images, autels et vitres de l'esglize; et vne partie desd. images, bruslarent et pilliarent les maisons des prebstres.

« Après, Mons^r le duc de Nemours se jecta dans Vienne avec grosse armée, pour le party du Roy et des catholiques, quy fust cause que trois cornettes de reytres logearent longtemps en ceste ville, quy fourragearent tout le mandement pour se nourrir et leurs cheuaults; plusieurs compaines de gens de guerre, tant de cheual que de pied, logearent en ladicte année 1562; qu'il fallait toutz nourrir.

LA FAMILLE GAYANT

« Audict temps se poursuiuoyt aussy le procès contre S^{rs} Claude et Baltezard Gayand (13), qui se vouloyt annoblir, presuposant leurs predecesseurs auoir esté nobles, ce quy estoit faulx, car leur pere et ayeulx estoit marchans, partant, par arrest de la Court des Aydes à Paris, ils furent declarés roturiers et talliables, [et despuis sont mortz paiaintz les tailles] (14).

« 1563-1564. — Estienne Baudran, dict Belin, et Pierre Gay, bouchier, furent esleuz et nommés conseulz à Condrieu à la Saint Jehan, 1563, et sortirent de charge a S^t Jehan, 1565.

SAC DE L'ÉGLISE PAR LES HUGUENOTS

« 1567-1568. — Honn^e Bon Berthier, receueur des tallies de Lyonnois, et Estienne Michoud, barbier, furent esleuz

(13) Voir ci-dessus, p. 346.

(14) Les mots placés entre les signes [] sont d'une écriture postérieure.